

中天星主北極紫微大帝寶懺

水讚

先天真水 淨洗靈台 楊枝一滴洒塵埃  
凡境即蓬萊 滌穢消災 香林法界開

太上皈命禮蕩魔解穢大天尊（三稱）

香讚

香焚寶鼎 假達凡言 金童傳奏詣中天  
遍啟斗尊前 安塵庶朝元 請福保平安

太上皈命禮大曜普照大天尊（三稱）

星主寶誥 志心皈命禮

大羅金闕 紫微星宮 尊居北極之高 位正  
中天之上 聖號金輪熾盛 道稱玉斗玄尊  
璇璣玉衡齊七政 總天經地緯 日月星宿約  
四時 行黃道紫垣 萬象宗師 諸天統御  
大悲大願 大聖大慈 萬星教主 無極元皇  
中天星主北極紫微大帝（三稱）

開經讚

萬星教主 北極聖真 慈悲救劫度黎

災劫化為塵 安福祿駢臻 大地現瑞雲

太上皈命禮北極紫微大天尊（三稱）

伏以

乾坤大德 廣覆載於群生 日月光明 普照

臨於萬彙 凡申懇禱 仰冀

鑒觀 生謹運真香 虔誠奏啟

皈依

虛皇無極大道三境上聖至尊三寶

高上玉皇玄穹上帝金闕至尊

中天星主北極紫微大帝賜福天尊

斗父龍漢祖劫周御國王天尊

斗母摩利支天金精紫光聖母

北極真武玄天上帝

日宮太陽星君 月府太陰星君

五方五德星君 四職四曜星君

天罡大聖星君 六司七元星君

三台華蓋星君 二十八宿星君

三十六禽星君 十二宮辰星君

當生本命星君 祿馬扶持星君

流年運限星君 旁臨正照星君

紫氣月孛星君 福祿壽三星君

三垣内外星君 周天列曜河漢群真

三界十方千真萬聖 恭望洪慈鑒今懺悔  
生聞

太極生兩儀而垂象 默運化鈞高穹 佈列宿  
以昭明 分輝大地 周天三百六十五 四分  
之餘度微數 萬一千五百二十之隱名 見遲  
流伏逆於星躔 循經緯周旋於分野 恭維  
星主紫微大帝 玉陛森嚴 瑤天高邈 權輿造  
化 掌握樞機 端居總理於三天 統治運行  
於九道七政四曜 施正令於春夏秋冬 五斗  
眾星 鎮方維於乾坤離坎 本命元辰朗耀

福祿壽走光明 罡星環指於太空 宿曜照臨  
於大地 不言善應 有感必通 天無私親 常  
親輔於有德人所稟命 蓋命屬於

上穹 生等皈依 恭修寶懺 望

皇靈而稽首仰 斗極以傾心 以今奉為 生自  
從無始 乃至有生 縱一念以實行 六根纏  
結 恣三業而罔覺 十惡積增 若不懺陳 曷  
叨恩宥 是以列款上陳 皈命朝禮 仰望  
紫微至聖 璇璣列真 介景福以均霑 降慈光  
而普照 蕩除三業 清淨六根 俾五福以茂

隆冀千祥而駢集 生等瞻天望聖 激切屏  
營之至

志心朝禮

三清三境三寶慈尊	高上玉皇玄穹上帝
中天星主紫微大帝	勾陳上宮天皇大帝
南丹紀壽長生大帝	龍漢祖劫斗父天尊
紫光金尊斗姥元君	日宮炎光太陽星君
月府素曜太陰星君	東方木德歲星星君
南方火德熒惑星君	西方金德太白星君
北方水德伺晨星君	中央土德鎮星星君

斗初神首羅睺星君	斗中神尾計都星君
天乙華陽紫氣星君	太乙華陰月孛星君
北斗天樞陽明貪狼星君	
北斗天璇陰精巨門星君	
北斗天機真人祿存星君	
北斗天權玄真文曲星君	
北斗天衡丹元廉貞星君	
北斗闔陽北極武曲星君	
北斗瑤光天衝破軍星君	
北斗洞明左輔星君	北斗隱光右弼星君

南斗天府司命星君

南斗天相司祿星君

南斗天樑延壽星君

南斗天同益算星君

南斗天樞度厄星君

南斗天機上生星君

東斗蒼靈延生星君

東斗陵光護命星君

東斗開天大衛集福星君

東斗大明和陽保和星君

東斗尾極總鑒星君

西斗白標星君

西斗高元星君

西斗皇靈星君

西斗巨威星君

中斗赫靈度世星君

中斗斡化上聖星君

中斗沖和至德星君

天罡節度紫庭星君

上台虛精開德星君

中台祿淳司空星君

下台曲生司祿星君

亢宿天庭星君

氐宿天府星君

房宿天驛星君

心宿天王星君

尾宿天雞星君

箕宿天津星君

斗宿天廟星君

牛宿天機星君

女宿天女星君  
危宿天錢星君  
璧宿天市星君  
婁宿天嶽星君  
昴宿天日星君  
觜宿天屏星君  
井宿天井星君  
柳宿天廚星君  
張宿天秤星君  
軫宿天階星君

虛宿天卿星君  
室宿天稟星君  
奎宿天將星君  
胃宿天倉星君  
畢宿天耳星君  
參宿天水星君  
鬼宿天匱星君  
星宿天庫星君  
翼宿天都星君  
天秤宮辰星君

天蝎宮辰星君  
魔蝎宮辰星君  
雙魚宮辰星君  
金牛宮辰星君  
巨蟹宮辰星君  
雙女宮辰星君  
福星天德星君  
壽星老人星君  
流年運限星君  
消災解厄星君

人馬宮辰星君  
寶瓶宮辰星君  
白羊宮辰星君  
陰陽宮辰星君  
獅子宮辰星君  
當生本命星君  
祿星天佑星君  
喜星天赦星君  
旁臨正照星君  
紫微垣內列曜

太微垣內星君

天市垣內列曜

六十甲子星君

江淮河漢星君

懺筵會上高真

生法眾等志心皈身 皈神 皈命

玄穹上聖 三界高真 列曜列宿 本命元辰 日

月斗府 照臨真宰 恭望 大慈 洞垂巨澤 普

降洪恩 生聞 煌煌列聖 朝拱北極之尊 燦

燦七星 默運中天之化 有求必應 無禱不

從 以今懺悔 生自從無始 以至有生 或心

口意之相違 廣營三業 或貪嗔癡之未斷

放縱六慾 殺盜邪淫 綺言罔語 或裸露三

光之下 或觸犯眾聖之前 損害眾生 拋擲

五穀 十惡障重 三毒業深 任性所為 不

知慚愧 或見聞而自作 或想以教他 種種

罪根 一一懺悔 伏願

星真洞鑒 斗極垂慈 元綱流汗漫之恩 法雨

沛汪洋之澤 矜憐愚昧 原宥愆尤 斡運限

以和平 順星辰於纏度 承斯懺力 仰荷玄

功 嘉與群生 咸歸正道 至心稽首禮謝

無上至真三寶 伏聞 彼蒼者

天運一元而彰眾曜 至玄者

道錫五福以惠群生 生等向來拜禮寶懺已

在云週 伏願諸天洞鑒 廣施溥博之恩 列

曜高臨 大賜慈悲之澤 千愆萬過 咸乞蕩

除 三業六根 悉蒙原赦 福資萬有 恩被十

方 稽首禮謝 皈依 無極大道 志心稱念

消愆滅罪天尊（三稱）

解冤釋結天尊（三稱）

消災延生天尊（三稱）

解厄賜福天尊（三稱） 懺功無量、、、

### 滿懺讚

朝元懺障 列聖垂恩 赦滌今昔諸罪障

降福消災殃 安 身宅吉昌 保命永安康

太上皈命禮降生賜福大天尊（三稱）